

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Menippus sive dialogorum satyricorum centuria
inanitatum nostrativum speculum**

Andreä, Johann Valentin

Cosmopoli [i.e. Straßburg], 1618

52. Mathesis Avlica

[urn:nbn:de:bsz:31-107424](https://nbn-resolving.org/urn:nbn:de:bsz:31-107424)

52. MATHESIS AV-
LIC A.

A. **O** Quis mihi monstret Mathematicum? B. Nescis genus hominum esse legibus damnatum? A. Non ego in alterius vitam inquirā, meæ potius prospiciam. B. Sed nec in suam decet esse curiosum. A. Non vaticinatorem volo, sed optimarum artium magistrum. B. Quarum ergo? A. Primum Arithmeticae. B. Eam Stifelius exacte docebit, vel noster Henischius. A. Non eā volo, sed qui bene subducam, quantum ad heri mei gratiam opus est: Dein Geometram. B. Non Clavij Euclidem? A. Non: sed qui doceat exactam Heri curvi, & servi recti inter se proportionem: postea Musicum. B. Nihil hic Aristoxenus, aut Lassus? A. Plane nihil; nam heri monochordum aliter dissectandum est. Sed & Astronomum velim. B. Quid de Ptolemæo, aut Copernico videtur? A. Non satisfaciunt, nam ortus & occasus luminarium Patronorum non bene mihi definiunt. Astrologus autem ubi dabitur? B. Vnus Cardanus abundet. A. At is nunquam docuit qui errantium Consiliariorum veros motus obseruem. Dein & optico opus habeo. B. Maurolycus succurrat, aut Maroloisius. A. Nesciunt illi, qui radii herilis favoris in me refringantur, nesciunt pedæ pūctum; Catoptricū minus spero. B. Iohānes Petlan commendatur. A. Siquidem speculum delineasset q̄ heri mei arcanos æst^o, & varios positus reuelaret. Iā Staticē quis docebit? B. Stevin^o egregie

gie, si parum Cusa. A. O assensus herilis grauitatis centrum & seruitii cum favore æquilibrium assignare illi possent, vel Machinæ saltem essent! B. Archimedeis vtere, vel quas Architas excogitauit. A. Majus est herilis more pondus, quam iis alleuare possint. Sed & Geodesiæ ignarus sum. B. Disce ex Reinholdo. A. At illi in mentem nunquam venerunt tot unius cerebri sinuosæ curuitates, tumores, & concauitates. Hinc de Cosmographo facile despero. B. Nemo Merulâ exactior. A. Qui ergo microcosmi aulici nihil annotauit? Porro Anemomachiam ecquis comprehendat? B. Plinium & Vulturium consule, anemographum. A. Pauciores illi ventus habent, quam quot in Aula spirant, & regulares magis, & impetuosos minus. Nunc Spiritalia in mentem etiam venerunt. B. Heronis placeant. A. At illius tubuli nimis recti mihi sunt, & obstructions debiliores. Ad Limineuticæ vero nomen cohorresco. B. Imo Grotio potius gratias dicito. A. Fallitur ille, si in aula pelago chalybōdixin inuenire sperat. Ita Altimetra nullus phantasmatum attinget. B. Itaque Appianum non admittis? A. Hic neutiquam nec Lorium etiam vel Specklinum, quicquid architectentur inuicti. B. Adeo ferus es. A. Valeat & Thaumotopætica omnis, & Habrechtus quidem Argentinensis artifex. quibus nondum innotuerunt irregulares Aula regularitates, & rotulæ in omnem situm mobiles, & motiones incitatissima tarditate, & tardissima incitatione le-

vi auræ libratae, deniq; ingentis ponderis moles
in libero aëre à tenui filo pendulae.

53. MATHESIS CHRIS-
STIANA.

B. Potes ne jam etiam meam Mathematicam
ferre? A. Possum equidem, nisi infelicitatē
meam rideas. B. Mihi sane ars mea ridicula non
est, tua vero, sive quam quæris misera videtur.

A. Aperi ergo, si quid habes scrij, & solidi. B.
Primum igitur memineris in mea Arithmetica
sacrum mihi esse & adorandum Trinum, cujus
potentia, quicquid est reliquum, subsistat, nu-
meteretur, & custodiat: dein admirandam esse
Divini circuli cum humana linea proportio-
nem, ex qua creaturarum dimensio omnis fluat;
tertio innocentis. cruoris pondus tantum esse,
vt terrenum globum omnem elevet, vires eas,
vt bonos à malis secernat: quarto divinarum hu-
manarumque rerum eum concentum, quem
mens humana non capiat, musica nulla adum-
bret. Ex his astronomia mea oritur, quæ Ec-
clesiæ ortus, progressiones, & phænomena do-
cet; & solem Christum in medio figit, inde a-
stra sive sanctorum lumina annotat, & cœlestis
chori rotatione in exemplum nos & admiratio-
nem rapit. Optica etiam divinas in nobis do-
tes refrangit, ac lucidissimum vitæ Christi spe-
culum perspectivæ nostræ fastigium est. Geo-
dæsia facilis est, si nos tantum & terrena cubi-
lia metiri discamus, & Cosmographica cui vis

E

verna-